

INUIT ATAQATIGIIT

INATSISARTUNI



9. september 2009

Inatsisartut suleriaasianni § 36 immikkoortoq 1. naapertorlugu matumuuna imaattunik Naalakkersuisunut apeqquteqarpuga.

Namminersornerullutik Oqartussat nalunaarutaat nr. 15, 5. juli 2007-meersoq aallaavigalugu matumuuna apeqquteqaatit makkuusut nassiuppakka:

(Inatsisartunut ilaasortaq Jane Petersen, Inuit Ataqatigiit)

- 1) Ilinniartut suliffimmilu misiliisut ilinniarfissarsinikuusimasullu nalunaarut tunngavigalgu naatsorsorneqarsinnaanerannut nalunaarsukkamik takussutissaasumik peqalernissaanut naalakkersuisut piumassuseqarpat?
- 2) Suliffeqarfitt sulusussanngortitat ilinniartoqarsinnaanissaminnik piumasaqaataat naammassineqarsimanngippat nalunaarut malillugu ingerlaavartumik nakkutiginnitoqartarnissaanik isuma naalakkersuisut tapersorsorpaat?
- 3) Suliffeqarfitt ilinniartoqarnissamut pisussaaffimmik naammassinninngitsut pillarneqarsinnaannginnerat allanngortissallugu naalakkersuisut piumassuseqarpat?
- 4) Nalunaarummi 9 mio. kr-nit nalinganut sanaartortoqassappat ilinniartoqarsinnaanera piumasaqaataavoq. Sanaartugassat 12 mio kr-nik sinneqartunut ilinniartoqarnissamik piumasaqaataanngippata naalakkersuisullu tassunga isumaliuiteqanngippata taava praktikkerfissaaleqisarnermut allamik aaqqiisummik naalakkersuisut suliniuteqarpat?
- 5) Sanaartornermi ilinniagaqartut periarfissaasa aammalu praktikkerfissaaleqisarnermut atatillugu sanaartornerup iluani ilinniagaqarnerup aaqqissuussaanera Ineqarnermut Attaveqarnermut Angallannermulli Naalakkersuisoqarfimmikkunnaarluni Kultureqarnermut, Ilinniartitaanermut Ilisimatusarnermut Ilageeqarnermullu Naalakkersuisoqarfiup ataaniilernissaa qanoq isumaqarfigaat?
- 6) Nam. Oq. ataanni illussanik neqeroortitsisarneq pillgu nalunaarummi nunaqvissut namminersortut qanoq nalunaarut malillugu periarfissaqarpat?
- 7) Illussanik neqeroortitsisarneq pillgu nalunaarut malillugu nunaqvissut namminersortut qassit suliaqarsimappat?
- 8) §6 innersuussutigalugu suliassat tamakkerlugit tamanut ammasumik neqeroortitsineq tunngavigalugu nunaqvissut qassit suliassamik tigusinikuuppat? Taakkulu qassinik ilinniartoqarpat?

Tunngavilersuutit:

Nunatsinni sanaartornerup ataani ilinniagaqarniartut praktikkerfissaaleqisarput.

Namm. Oq. Sanaartortitsineranni 3-6 mio.kr. nalinganut suliniutit tallimaasut iliniartunik tallimanik nalunaarut malillugu malitseqartussaapput, aammalu 6-9 mio kr. nalinganut suliniutini pingasuusuni iliniartunik arfinilinnik nalunaarut malillugu malitseqassalluni. Maanna 12. mio. kr-nit sinneqartut pilersaarutit arfiniliupput, tassalu imappaq nalunaarummi 12 mio. kr. sinnerlugit Nam. Oq. pilersaarutaasumik sanaartortitassaanni nalunaarummi ilinniartoqarsinnaanera ilaangilaq. Tamannalu takullugu ilinniartut praktikkerfissaaleqisarnerannut aaqqiisutaasinnaanngilaq. Paaserusupparalu naalakkersuisut ersarissumik ilinniartoqarnermut atatillugu nakkutilliisumik suliaqartoqarniarnera qanoq imaqassanersoq, aammalu Kultureqarnermut, Ilinniartitaanermut Ilisimatusarnermut Ilageeqarnermullu Naalakkersuisoqarfik tamanna pillgu suleqatiginiarneqarnersoq. Aammalu illussanik neqeroortitsisarnermut atatillugu nunaqvissut qassit neqeroorummik tigusisimanerat paaserusuppara.

